

'iniyabiyal ka pinatiyay

hayza' 'aehae' hahila:, kapapama'an maray 'aehae' 'ima 'inaro' o  
leheh ka ra:an. ray ra:an kabih o kabih, pinamowa' saeboeh ka pazay,  
pinatiyay maowahil a tomalan, 'ikahabiyalan saeboeh. kita'en nakhara 'am  
kayzaeh ila kipazayen! pazay sin'elan nak 'ima lohaha'o: ka pazay, ra:amen  
Sa' hiza ka pazay koza' kin mabaeh ka SiSi' kin Sil'i: kita'en. hini 'ima  
mowahil pazay hayza' Sinan'pispisan ka SiSi' noka pe:es, kita'en ka pazay  
sin'el hayza' ka 'iniya'olpoeh ray kalihoe kan, pe:es ma' ra:am raraylis ka  
kasi'aelen kilma'iyah. 'iwa' noka ma'iyah pa'iri:'in ka ma'ma'iyah ray  
pinatiyay wazwaz. ray kalam langi: kita'en ma' hayza' ka tiniway ka  
kangkang. So: mabaeh ila ka pazay ma' towa'isen paySiri:in ray pinatiyay  
koSa'en miyape:es. So: ka pe:es mowa:i' ila somi'ael ka pazay noka  
ma'iyah haehli:in ka kangkang, kangkang ma' kakalongkong homngas,  
pe:es bazae' ma' homayap rae:iw ila.

Saehpi:ih 'ima piza' ila ka hahila:, may'isa: naehan ray pinatiyay,  
kita'en lasiya mam kipazay ila. pazay pinamwa' mowahil a tomalan, 'anoka  
hima' kipazay 'am hoenaehnge: ka hahila: sizaeh. nasiya 'anoka kikay  
monpilaz ka 'am lalobihlobih honha:i' ma' sizaeh ila kipazay! ray kabih ka

ba:oz, pe:es ray kinipazayan sosmi'ael ka 'inonhae:ae' ray ra:i' ka kamez.  
komita' ka pe:es honha:i' homayap babaw honha:i' kaSra:i' somi'ael ka  
SiSi', honha:i' rini' kabih ciit Sa' honha:i' riza kabih ciit Sa', nakhara 'ima  
Siyae' komSa', "kaysa'an kin kayzaeh 'oka' ka ma'iyah mowa:i'  
Somowaw koza' kin kayzaeh!" 'okik ra:ami, 'inay'ino' 'ima  
kas'oehaez 'iniya'elngih o 'inyabolalas ka 'aehoe', Sahoero: ka ba:oz ki  
pe:es mowa:i' Somowaw ila! ba:oz ki pe:es homSeS kakamoeh homayap  
rae:iw ila.

hini 'isa: ray pinatiyay So: kipazay ila ma' hayza' 'ima pakaysawa'an  
ka kinita'. 'oka' ila ma' pakSekla' ka minahael, kamaSomopazay ma' hopay  
a tomalan, kayni' kapinatawawan pak'a'abaSen, lasiya miyalawa' ka  
pees, 'ita' ma' rengreng papahoero: hi nonak, 'izi' 'aS'aSay ka kasi'aelen  
mita'.

## 黃色的稻田

有一天，車子經過一條又長又直的道路。路的兩旁一片黃澄澄的稻子，看起來可能快要收成了！稻穗下垂的彎度可見稻米飽滿的重量。這一大片稻田有一角被麻雀吃了稻米，成了灰色地帶，麻雀也跟農人們搶食。難怪田中央立了好幾個稻草人；田埂邊有一段拉繩，上面掛了好多的空鐵罐，當稻子飽滿的時候農夫就要常到田裡去趕麻雀，當麻雀一群一群飛來的時候，農夫就拉一拉繩子，上面的罐子就喀拉喀拉的響，嚇跑了那群吃稻米的麻雀。

過了幾天，再次經過這片金色稻田，農夫們正在收割。稻田面積寬廣不適合人工收割，看見一台機器來回來回幾趟便收成完畢！一旁來了好幾隻鴿子、麻雀一群在田中央啄食掉在田地的稻粒，看著麻雀上竄下跳這裡噉一聲、那裡噉一聲，彷彿高興地說著：「太好了！終於沒有人趕走我們了！太好了！」忽然，不知從哪裡冒出來一條黑白狗，看見鴿子和麻雀就一路追趕過來，鴿子和麻雀嚇得飛跑了！

這就是在稻田上稻米收成時，許多有趣的景象。同時，也讓人們了解農人們的辛勞，我們時刻都要記得不可浪費食物。

112 年全國語文競賽原住民族語朗讀【賽夏語】國中學生組 編號 3 號

ma'an kinSiwa'an

'aring 'ima 'ol'olae'an ya:o hayza' ka kinSiwa'an ray hina'azem. ya:o minowa' rima' ray latar komita' ka 'ima hes'ezan kawaS ki 'ima bolalasan ka homom, rima' manmara:an kil kapa'onhaelan rima' ray pinatiyayan somoloeh ka 'ayam a 'aewpir. hini kin haeba:an korkoring minowa' ka 'inakhini'an howaw. powa'aw! ma' ma'an kinSarara'an nanaw.

ya:o 'am Somowaw ka kinSiwa'an ma'an, mayhael ya:o 'am rima' ray 'ima 'okik hingha' ka 'oem'oemaeh manmanra:an, komita' ka 'ima 'okik hingha' ka kin'i'iyaeahan ki kaspengan.

ya:o makakreng 'am kiSka:at, 'ana ray minaSangay ma' 'okay honasamez 'am kiSka:at, rima' tatoroe' noka 'amilika' kapayaka:i' ki ka'alnoripon, ya:o paka:i' So: 'akoey ka kiniSka:at ma' 'am Sekla' 'akoey ka kinra:aman, 'aeae' 'aeae' hahila: Sahpi:ih ila, ma'an kin'i'iyaeah hebengen ila noka kina:at, 'ana nak'isaza ma'an ma' hayza' ila ka kinSarara'an ka hina'azem.

yako Sarara' 'ima haeba:an ka kapa'onhaelan, nasiya Sinarak kin hil'awan, minaSangay rima' manmanra:an, komita' ka 'inalingo', 'a'iyalatar rakrakrak mam Siyae'. ya:o ma'az'azem ma'an Sinarak 'ampowa' kin

Sil'i:? ya:o 'am Somowaw ka kano'? 'ampowa' kin hopay ka hin'az'azem? kinSiwa'an ki Sapang kin'i'iyaeah sa'owaz 'okik hingha' a tomal.

ya:o 'ima hihimi'an mam ma'az'azem, 'okik ra:ami ray hikor bazae'en kamatoroe' 'omoe'oe: ka raro:o' ma'an Sa', "'away! So'o 'ampowa' ngangorayan kita'en?" kamatoroe' ra:am ma'an ka hin'az'azem, siya mayaka:i' 'iyakin Sa', makakreng kiSka:at ma' kayzaeh! pakra:am 'a'apel ka hahila: Sobaeh nonak ka kin'i'iyaeahan, 'izi' pawhi:il nanaw ka kina:at, ra:am kiSka:at ma' pakra:am Siyae' 'oyaeh. So: 'am kiSka:at pakhil'awan ka hin'az'azem, So: honasamez 'amkay kiSka:at ma' Sa'ila' Sowaw 'in nonak a kinhinowa'an, 'oka' ma' ray taew'an tatilhaehael ka kapatawawen. nakhini kayzaeh 'okik Sil'i: ka hin'az'azem, ray ta'oeloeh ma' 'am rompa: 'akoey ka kinSekla'an. Somowaw ka kinSiwa'an pakhayza' noka nonak kapanra:anan, 'izi' i nak 'ima lo'aw'aw Siri', nakhiza mina 'am 'omaS'aSay ka 'in nonak a wa'is."

## 112 年全國語文競賽原住民族語朗讀【賽夏語】 國中學生組 編號 3 號

### 我的夢想

自小我喜歡到戶外看那藍天和白雲，到處走走，和同伴們到田間裡烤肉烤番薯，這是許多孩子們夢想的事情。

我要追求我的夢想，未來我要到不同的風土遊覽，體會不一樣的生活和風俗習慣。

我認真地讀書，即使在休假時也不停止的求知求學，去學習美國日本的語言，我的生活起居，完全被埋在書堆裡，我終於有了夢想。我羨慕很多的同學，他們總是踩著輕鬆的步履，休假時到處溜達，看電影，聚聊而相互調笑著。我在想，我的步伐為何如此沉重？我在追求什麼？為何有疲累的感覺？莫非夢想和現實生活是完全兩個世界。

我靜靜地在思索著，老師在背後突如其來地叫了我的名字

「'away！妳為何傻愣愣地？」

老師知道我的想法，她告訴我說，認真讀書是對的！但要懂得如何分配自己的生活，不要死讀書，會讀書也要懂得與人相互交流，求學就要放開所思，也可在家幫忙家務，這樣就不會有沉重的思緒，追求夢想要有自己選擇的途徑，別像迷途羔羊，徒然浪費自己的力氣了。